

鼇

峰

集

黿峰集卷之十四

閩郡徐勵興公著

七言律詩

丙申元日客武林

浮生蹤跡嘆漂零，又見春回一葉冥。
尊酒共誰孤館醉，笙歌不比故園聽。
梅花無賴當空白，柳色何知向客青。
旅夢易醒腸易斷，曉鶯啼罷雨冥冥。

春日同鄭翰卿西湖晚望因懷同社諸子

三三鐘聲過嶺微六橋烟柳晚依依月明湖北
僧初定春到江南客未歸遊子獨尋青草路故
園空鎖白雲扉相知回首三千里目斷關河淚
滿衣

贈陸履素使君

元是清河幾葉孫千秋詞賦擅中原名高漢署
薪猶積訟簡公庭草自繁結客有車遷幸舍尋
僧留帶鎮山門觀潮挾得三千弩射却蛟龍不
敢喧

錢塘江口別翰卿

遊子春來戀釣磯
馬頭南望去駢駢
愁心暗逐蘼蕪長
遠
夢落隨柳絮飛
百轉流鶯空喚友
一聲杜宇又催歸
故鄉人在他鄉別
不比尋常淚濕衣

春日出武林寄曹以新王百谷文夢珠彭興祖沈穉咸沈從先諸君

渺渺寒江送客舟
離情空寄水東流
淚垂燈火雲邊路
魂斷笙歌月下樓
吳苑荒臺麋鹿走
越

山春樹鵲鳩愁中宵不作錢塘夢只在百花洲
上遊

雪夜泊釣臺

舟泊嚴光舊釣磯半江寒色上征衣斷橋野草
和烟冷獨樹梨花捲雪飛客恨憶家春轉急旅
魂尋路夜能歸浮生自厭塵勞苦何日於陵早
息機

激水驛道中

鄉心日夜不曾停故國天邊望杳冥冰解漸流

春○脚○碧○雪○消○微○露○晚○北○青○遠○林○芳○草○迢○迢○路○古○
驛○垂○楊○短○短○亭○滿○目○春○風○簫○鼓○沸○天○涯○孤○客○斷○
腸○聽○

思歸

春○事○催○人○夢○寐○驚○杜○鵲○啼○血○愴○離○情○暝○吞○野○店○
雲○流○影○變○落○孤○蓬○雪○打○聲○客○久○愁○非○杯○裏○釋○夜○
長○詩○每○枕○邊○成○心○知○此○去○鄉○園○近○猶○恨○關○河○幾○
日○程○

懷翰卿

殘燈寒漏酒醒時
月落猿啼處處悲
一夜夢魂孤枕識
半生心事剗絳知
少年若箇能輕薄
中歲何人愛別離
漂泊江湖俱未了
山林誰訂白雲期

到家

不盡淒涼久客情
還家偏喜及春明
飢寒隔歲憐妻子
漂泊經年訴弟兄
殘雨落花新戲蝶
東風垂柳又啼鶯
書眠幽竹山窓下
夢裏猶驚鷓鴣聲

馬聲

分得洞庭霜送陳伯孺之吳門

震澤風高起夜涼
木奴千樹盡含霜
未秋先綴
枝枝綠斜日爭垂
顆顆黃落處金丸難辨色
剖來瓊液自生香
袖中莫忘懷二箇
堂上慈親待陸郎

再送伯孺

千里西吳一騎輕
君行應是我歸程
孤身漂泊
辭知已八口饑寒仗友生
繞澗松篁天竺路滿
湖菱天下旅城游到處
羞貧賤好向人前諱

姓名

送余宗漢之南康

幾人垂老愛馳驅
白髮憐君尚畏途
馬目寒光携劍匣
鳥邊雲氣辨香爐
他鄉作客黃金盡
故國談詩白社孤
此去莫耽彭澤酒
遙天日日待雙鳬

送張叔弼廣文之官瓊州

傳經萬里類投荒
渡海身隨貝客航
水怪驚殘天外夢
猿啼斷月中腸
三秋瘴雨檳榔綠
滿

路蠻州橘柚黃莫道廣文官獨冷一壺今去是
炎方

贈屠田叔轉運

聲華自昔重西京南國初傳煮沛名禮典太常
陪漢祀詩追正始主齊盟爲官海內稱冰蘗餉
客盤中出水晶公子門多天下士敢勞虛左待
侯生

二月十九送了空禪師還金陵是日爲觀
音大士降誕

空門去住本無期。却爲慈悲感別離。了悟真僧
行脚日。圓通菩薩化身時。波心斷葦浮千頃。瓶
裏新楊贈一枝。歸到高臺重說法。半天花落雨
參差。

懷吳元翰

流落天涯獨問津。何門堪寄病中身。半宵有淚
孤燈泣。四海無家一劍貧。失路悲歌誰續客。窮
途生計且依人。他鄉我亦漂零久。今日思君倍
損神。

寄長樂郁文叔少府

銅章新佩始爲郎，萬樹桃花一縣香。
結客不辭分月俸，救荒偏許薄秋糧。
大邊雙鳥看鳬影，海畔重樓起蜃光。
感激年來王粲座，後生容得櫛
衡狂。

賦得飛燕有贈

不戀烏衣舊宅春，翩翩空繞畫梁塵。
獨眠樓上羞池羽，妙舞宮中宛轉身。
營壘却攜金剪去，嘶泥初化寶釵新。
也知孤影無棲處，肯向朱門覓

主人

邀黃仲高張孺愿錢叔達張公魯及同社
諸子集萬歲寺因送徐仲和還錢塘

未向長亭折柳條看花猶且憇僧寮人天佛日
空門靜瘴雨炎風去路遙馳道青驄蘇小墓騰
江白馬子胥潮與君不是無期別醉後離魂也
盡銷

送曹能始之撫州吊周令君

何事征衣滿淚痕傷離嘆逝兩銷魂半生永抱

孤琴痛千里空酬一劍恩古道悲風奔白馬新
墳愁雨哭清猿此情不似羊曇淺醉裏含哀叩
寢門

送陳女翔遊龍虎山

方外尋真謁紫冥芒屨踏遍曉峰青樂聞鳳管
千聲沸符請龍泥一道靈行炁洞中春夜月步
罡壇上禮秋星朝回變盡人間服集得仙家白
鶴翎

賦得金山寺送客之維揚

層層塔影漾中流。古寺鐘殘暮靄收。蒼鶻搏風
分上下。巨鰲聞呪半沉浮。隔江月照瓊花夜。遠
岸潮喧鐵甕秋。杯酒墳前澆郭璞。片帆乘浪過
瓜州。

同屠田叔張孺愿張公魯錢叔達雋陳正
夫水亭分得狂字

使君千騎下東方。乞假相携問辟疆。月裏金尊
絲管咽。風前銀燭綺羅香。玉酥看竹尋芳徑。曲
簡迷花入醉鄉。驚座不成鸚鵡賦。當筵羞學少

年狂

送張孺愿之漳州

客身漂泊瘴雲東，歷徧閩天路欲窮。
暑雨鳴鳩榕葉外，夕陽羸馬橘花中。
數間野店林陰合，一片孤城海色空。
銷盡旅愁山市酒，綠尊時對荔枝紅。

送張公魯

越客東行不暫停，孤城遙指海溟溟。
窮村勒馬登途倦，罾市烹魚入饌腥。
山鬼叫殘林月黑，禽

人耕破瘴雲青廳鳩聲裏思鄉切腸斷駒輶未
慣聽

寄謝在杭司理

蒼弁山前碧浪南白雲署外水拖藍庭間每見
茶烟起官冷全憑酒味甘支得月糧惟養鶴徵
來夏稅半收蠶公餘倒屣延詞客名理時時握
麈談

送洗明府歸南海

蕭蕭白髮路行難曾是河陽一宰官別鶴調琴

歌單父無魚彈鋏嘆鴻臚堤邊楊柳重來折縣
裏桃花再度看歸去羊城尋舊隱瘴江風雨老
漁竿

寄張成叔

何處思君別恨生分携猶記闔閭城二年霜露
麻衣淚千里烟霞縞帶情寄遠久虛蘭杜信杳
吟應廢蓼莪聲書郵莫訝封題重重緘得愁心到
四明

懷伯孺客吳

故人蹤跡隔吳閭，目斷遙天正練長。
楊柳影深迷芷澤，菱荷香煖殢寒塘。
鋤饒帶血尋空巷，響噪無聲感舊廊。
懷古知君情最切，題詩墓上吊貞娘。

送鄭震卿之錢塘尋兄

漂泊辭家黯斷魂，情深長念鵲鴝原。
秋風短楫千行淚，夜雨孤燈十載言。
湖上殘荷天竺寺，路傍衰柳武林門。
此行莫令南飛雁，先爾雙雙到故園。

送人之蒼梧

一身南去入蒼梧聽得蠻音處處殊
翡翠曉寒巢灌木蟬蛇春暖晒平蕪
古祠舊淚枯斑竹廢井香魂怨綠珠
四月火山丹荔熟輕紅能似故園無

七夕鄧汝高計部招同余宗漢謝修之明
府鄧道鳴闔帥錢叔達山人陳女大王
粹夫文學陳幼孺孝廉康元龍袁無競
茂才惟和家兄集玉皇閣得珠字

帝座溟濛近可呼
拍肩同到太清都
天孫佳會停雙杵
地主留驪送百壺
烏鵲正填橋上路
驪龍誰得掌中珠
憑闌忽聽金風起
剪斷疎林一葉梧

初秋鄧道鳴將軍招集隣霄臺席上送鄧
汝高計部督餉還朝

青山面面擁高牙
載酒邀賓坐紫霞
明月金饒秋一曲
微霜砧杵夜千家
呼盧暫借行軍令
惜別難攀奉使槎
他日登高重望遠
五雲西北是

京華

中秋夜邀張孺愿錢叔達謝修之曾波臣
陳女大俞青父袁無競集攬轡亭觀禹
歲神光二塔燈分得七虞

永夜嬋娟瑩玉壺半天金粟落浮圖千花舍利
空中相百寶牟尼藏裏珠清影並輝忘色界慧
光雙照悟迷途蓮花漏盡從生滅還有山河大
地無

送張孺愿歸明州

海國秋高雁獨征
西風吹動故鄉情
歌殘柳岸紅亭酒
散盡芝山白社盟
野店寒星低馬首
關門涼月引雞聲
茫茫此夕思君夢
長伴飛雲過四明

送黃仲高孝廉還四明

紅亭綠酒醉黃花
客子逢秋倍憶家
海上遡山飯佛日
嶺頭關路出仙霞
驛樓古樹寒嘶馬
野店衰楊晚噪鴉
此地懷人空一水
滿天涼露洒蒹葭

送閔壽卿山人隱武夷

出家休用買山錢，方外尋真往洞天。
芒屨竹筇修淨福，藥爐茶竈結清緣。
一竿春雨桃花水，雙屐秋峰薜荔烟。
玉笋班中新注籍，幔亭寧但十三仙。

奏罷遊仙一曲歌，方袍桐帽入雲窩。
竹溪夜泛風吹笛，芝圃朝耕雪滿蓑。
峰頂禾真呼玉女，洞中行氣引黃婆。
碧岩窓覓我留題處，半壁殘詩翳古蘿。

寄曹重甫

遠夢頻飛湘水流，愁聞鶴唳一聲秋。
懷人空望雲間路，乘興難移雪下舟。
七步文章推子建，八行書札重曹丘。
明年共醉秦淮酒，夜夜春風十
四樓。

喜吳元翰遠歸過訪

何處歸來道路長，匆匆下馬說他鄉。
故衣未換征人淚，往事空迴遠客腸。
夜月愁心歌舊雨，秋風衰鬢染新霜。
去年此日黃花酒，玉女峰頭醉

石牀

花燭詩爲林子真賦

玄露同擎碧玉卮鳳簫樓上數聲吹桃花錦帳郎君面楊柳青銅少女眉文甲夜通犀點點珊瑚春並枕枝枝彥先一代傳雙壁乞得機雲贈

婦詩

張叔麟別駕招集鐘山客舍席上觀妓共得香字

新詞迴雪繞空梁引鳳簫聲墜馬粧銀燭滿屏

延夜漏玉簪敲竹蹋春陽
裙翻月照蓮花冷佩
解風傳豈蔻香不用琵琶訴
幽恨座中先斷使
君腸

和幼孺無題

恨倚薰葭玉一枝暗中虛度破瓜期
劍分雷煥歸何日鏡剖徐郎合未知
五十斷絃愁錦瑟一
雙條脫繫羅帷
世間自少昆崙使那有今生得
見時

酬屠田叔使君見贈

公庭如水靜無譁問字人來便放衙寒夜青燐
編海錯中春白雪煮鹽花逢僧不離譚心性薦
士何嘗惜齒牙總爲冷曹堪吏隱時時騎馬到
烟霞

題爲親乞祿卷贈丁文統少府

詞賦登壇重子虛一官瀕海嘆居諸承歡祇愛
嬉萊彩棒檄寧辭領簿書仙吏操同冰自潔老
親頭比雪何如潘郎滿縣桃花發日日春風御
板輿

題胡生遺像胡曾與余同學

愁絕芳魂去渺茫。夜臺誰逐少年場。丹青重傳
何郎粉。黃土空埋荀令香。玉折庭前終莫續。珠
沉海底永無光。迴思風雨寒窓日。舊事傷心十
五霜。

無題

燭乾誰令死灰然。顧影淒涼轉自憐。薄命故添
中夜淚。有情當續後生緣。擘開蓮子從來苦。剖
破菱花不再圓。簾外蕭蕭寒食雨。香魂無主怨。

芳年

苑別春聲去杳然千秋埋玉一人憐
返魂重見元無術托夢相逢不是緣
鏡裏青山眉黛缺枕前紅雨淚珠圓
白楊滿地誰爲掃枉住人間十九年

送鄧將軍之東粵

車騎如雲鼓角鳴南荒萬里仗干城
劍光夜冷霜侵塞影秋高月照營
樵上葡萄通漢使笛中楊柳咽蠻兵
一時名將推詞客露布千金倚

馬城

虞美人草

離離原上舞。東風却似悲歌。玉帳中。夜雨香魂
空化碧。夕陽恨血尚留紅。新痕有意生。淮水淺
黛。何心鎖沛宮。一自笛聲吹散後。更無愁色渡
江東。

丙申除夕

辛盤將進換神茶。又見韶華。此夕徂。失意自悲
城上雀。浮生真類隙中駒。客催畫。債寬新歲。鋪

索書錢鷲舊通猶憶去年殘雪裏探梅騎馬過
西湖

丁酉元日

年長羞將甲子推雄心差減少年時栢傳春色
杯中葉梅送香魂雪後枝在惡詩文元自得疎
狂情態更誰知牀頭三尺華陰鐵一片寒光夜
陸離

送彭興祖還吳

歷徧閩天一歲中歸裝仍似到來空鳥啼村樹

鞦韆響馬踏山花躑躅紅短刺虛將當路謁長
途偏爲故交窮從今蹤跡過湖海莫信諸侯禮
士風

分得邀笛步送陳淳夫之金陵

蘆花秋水白茫茫溪上停舟憶野王蒼玉半枝
枯蜀管綠苔千古翳胡牀參差律呂清宵月長
短關山獨夜霜不用送君歌折柳曲中三弄倍
思鄉

送凌元孚博士之官北雍

王事匆匆不暫停傷離空望短長亭度關寒食
沾木雨投驛黃昏拂劍星楊柳青旗燕市酒桃
花絳帳馬融經一官莫嘆羶猶冷東觀聲名滿
漢廷

黃全之先生八十初度

八十年過貌返童商山重見夏黃公青牛出谷
關常紫白虎窺爐火自紅任俠尚餘燕趙氣談
詩寧作宋齊風四朝全盛留遺逸鶴髮江潭一
釣翁

送張叔麟別駕還溫州

蕭蕭衰髯獨還家故國雲山夢未嘉一曲清歌
攀柳色千秋白社散蓮花夕陽古驛驅羸馬暮
雨孤村宿亂鴉自愧臨岐何所贈雄雙劍報
張華

送陳志玄太學還中都

海國春殘杜宇悲王孫芳草念歸期飛花逐馬
紅千點垂柳藏鶯綠萬絲客路風烟辭劍浦故
山雲樹望鍾離斷腸最是天南北夢隔長江兩

不知

送曹能始進士赴闕

年少風流漢署郎，鄴中詞賦動
君王。九重仙仗烟光煖，五夜鐘聲
月色涼。馳道亂花蒼玉佩，御河垂
柳紫絲韁。趨朝不用含雞舌，荀令
生來自有香。

送吳元翰之虎林謁蓮池法師

壯歲能將世諦銷，皈依僧佛不辭
遙。他山雲水攜雙屐，何處晨昏掛一
瓢。楊柳芳堤殘月寺，桃

花深澗夕陽橋歸來悟得三乘法定卜禪棲遠
市朝

過閩王審知墓

八郡封疆一望遙秋山松柏冷蕭蕭宮車去國
成千古劍壘傳家歷五朝石馬嘶風金盃出野
狐穿塚寶衣銷斷碑猶識唐年月春雨苔花字
半凋

荒隧犁田廢寢空白楊蕭瑟吊遺弓何年馬鬣
開松隴先代龍髯出梓宮麟火有光燃暮雨精

魂無主哭秋風玉魚早向人間賣青史猶傳霸
越功

送鄧德咸刺史

新擁朱輪去路賒
郢中西望楚天涯
符分湘浦祠前竹
棠種黃陵廟裏花
腰褭嘶風春出郭
鷗鷺啼晝午開衙
官閒卧治心如水
日日看山對五華

寄題黃懋忠太史碩寬堂

甞乞歸田賦遂初
碧山高卧宦情疎
潮阿且學

風人咏石室還藏太史書雲水心閒頗夢蝶烟霞盟重早焚魚清時只恐君王問天祿猶煩注起居

送李與熙孝廉北上

和子金門待詔年公車馳道向幽燕龍分延水
星隨劍馬度交河雪在鞭上死香深花似霧禁
垣春暖柳如烟翰林此日思供奉好奏清平歌
晉絃

國關送康元龍之秣陵

分手關門別路遙夕陽亭北馬聲嘶蘆花暮雪
清溪渚楊柳春烟白板橋客淚數行燈下盡鄉
愁一片酒中消王孫遠道歸何日芳草萋萋夢
六朝

過林逋人故居

魂墜窮泉乍白頭方山寒雨杜鵑愁花飛古路
松枝老葉滿閒庭荔子秋鶴夢不歸江上楊柳
絲空縈月邊樓哭君剩有千行淚潮水無情日
夜流

同康元龍惟和兄集屠田叔運承三層閣
適使者來自明州賁海錯家釀至

使君清似玉壺冰官是司農太府丞斤鹵烟屯
家萬竈巖巒雲護閣三層前峰僧送東西磬隔
岸漁歸遠近燈海錯船來堪餉客夜深同醉酒
如澠

古田道中卽事

百里廻溪不斷鳴石田遙與衆峰平茅編野屋
茸茸影竹朴寒泉細細聲路到高時愁絕磴山

當開處見孤城單車獨向雲邊出窮盡輿夫一
日程

過鄭子警山人市隱堂

大隱何妨朝市居山林情重世情疎一篇玄草
楊雄宅三徑黃花靖節廬谷口烟霞堪隱豹
灞橋風雪獨騎驢由來愛客常投轄門外時間長
看車

過林子實山人幽居

一丘一壑寄閒身半畝烟霞屬隱淪
癖類蠹魚

元不改性如麋鹿故難馴放歌原憲人誰識縱
酒劉伶婦莫嗔窮巷蕭然同廬下肯將名姓落
紅塵

雪晴過極樂寺

雪晴村落暮寒凝半日纔開便訪僧曲澗聲喧
流暗水小池痕淺結層冰林疎不礙雲堂磬松
偃深藏石殿燈寂寂禪關閉殘照蒲山馴鳥響
迦陵

丁酉除夕

東隣西舍咽笙簫。今歲剛殘是此宵。臘雪未消
三徑竹。春風先到一盤椒。揚雄有賦貧難逐。左
氏無詩隱自招。年少流光如水去。紅顏空向暗
中凋。

戊戌元旦

獻歲青陽轉律初。東風吹暖到林廬。應酬漸苦
詩名累。懶慢多慙禮法疎。日午茶烟孤榻靜。春
明花影半簾虛。今年不異前年事。弄筆窓間漫
著書。

得壽卿和叔二道友武夷詩札却寄

武夷春水送雙魚
嘶得山人兩紙書
各有數行盟水石
更無一語問興居
大王峰下長高枕
玉女潭邊小結廬
憐我凡身嬰世網
桃花空笑道情疎

龍源廟

龍江遺廟祀嬋娟
少女宣靈五代年
蛭斗縱橫塔下出
妖蛇降伏井中眠
春秋野老更羅袖
伏臘村童送楮錢
苔滿古碑行客問
妝樓無主鎖

寒烟

爲屠田叔使君俾燕姬

桃根零亂柳枝斜薄命無緣戀王家魂墜舞縷
身似燕影離妝悶髮銷鴉春風盡冷眉間筆夜
月香殘臂上紗碧落黃泉窮不見王容含淚濕
梨花

羅幃香散麝蘭熏寶鏡臺空鳳翼分佩影翠銷
金結縷枕痕紅斷玉生紋新調越曲誰爲按舊
闌燕歌永不聞還似惠州蘇學士棲禪寺裏哭

朝雲

別林生章

東風歸路劍裝輕
芳草連天別恨生
有淚似從珠浦落
無緣如在玉山行
斷雲孤棹春江夢
殘月疎鐘曉寺情
最是流鶯知客意
嬌啼來去不停聲

宣城梅景靈拜丹徒博士未幾以憂去位
千里游關于其歸也贈之以詩兼寄令
叔季豹令弟禹金子馬

徵書初拜廣文官身上麻衣淚不乾
首霜未餐京口綠荔枝先擘海頭丹
出關月曉聽雞早度嶺雲深策馬難
三十二峰千仞水故園群從待同看

自題畫像

生在洪都長在閩海鷗情性鶴精神
江湖到處堪容足丘壑隨緣卽置身
混俗任從牛馬喚投閒惟與蠹魚親
處名未立紅顏改落魄人間三十春

壽張膚父憲副

幾年攬轡靖閩鄉南極星連貫索光人避鐵冠
驚繚紆客窺金龜乞丹方秋深鹿走芝田月夜
冷烏棲柝府霜政合身居帷幄裏求仙應笑漢
張良

送張令之羅浮

帶印新過百粵鄉官閒爲政似庾亮峰巒四百
侵公案雲水千重入訟堂藥氣夜飛仙令火梅
魂春幻美人妝縣門不用栽桃李榕葉青生荔

子香

陪屠田叔使君游仁王寺與元龍無競惟
和分得衣字

屏却鳴騶入翠微
別更野服問禪扉
載將竹葉尊
疊蒲坐
到蓮花刻漏稀
古剎寒雲侵佛火
空壇明月照僧衣
山門冷落無緣鎮
誰解腰間帶一圍

得沈穉威書

茂苑書來一雁遙
知君生計未蕭條
荷花暮雨

雲邊蕩蕩楓葉秋霜月下橋幾隔青山濃墨醉半
窓沈水淡香銷閉門只爲耽詩苦瘦盡風流沈
約腰

送屠使君至芋原驛是夕留飲驛亭以梨
園佐觴使君首倡依韻奉答

陽斷郵亭送客朝離心全仗酒權消三年舊雨
留官驛午夜寒星耿使輶蓮社別情愁似海梨
園歌頗章生潮鏤金檀板通宵拍高架銀盤鳳
蠟燒

至水口驛屠使君以詩留別次韻答贈

不忍驅車向楚臯酒徒猶自戀荆高
愁征雁萬里東飛愁伯勞爲郡正當迎
露冕登壇誰更主風騷驚人謝眺行偏遠
把酒青天首獨搔

專城遙指五溪隈十二峰巒過楚臺
蠻嶠秋雲行部去會稽春雨勸耕回
印從澧水蘭邊鎖詩向湘川竹上裁
料得愛才心獨切當筵仍有橘
衡陪

寄答林子真

平時未識嘆離居。此別那知隔歲餘。
繫帛八行鴻外信。下帷千卷蠹邊書。
采簫詩就秋風後。伐木歌殘落月
初。莫向人間嗟不遇。上林終是待
相如。

寄鄭翰卿

處處淹留樂事多。十年爲客夢中
過。佳人錦瑟紅樓酒。遊子青衫白
苧歌。夜月蕪陵吳苑路。秋風楊柳
洞庭波。扁舟載得西施去。湖上春
山映

翠蛾

丹陽葛逸人雙壽詩

竹籜爲冠芟作裳一丘棲隱老雲陽
鹿門耕破犁頭雨鴻寶藏來枕上霜
眉案齊時毫半白背痒搔處有雙黃
君家世得燒丹訣夫婦能傳九轉方

戊戌除夕

夕陽天畔送韶光辦得椒花酒滿觴
先苦明朝投敵刺每慚今夜剩空囊
謀身半世詩書誤餽

口終年筆硯忙猶幸壯心消未盡領兒西舍聽
笙簧

己亥元日

歲序蹉跎歎屢遷等閒三十到今年腸枯欲滌
西江水舌在寧須負郭山鸞鳳鏡中描粉黛
魚編裏試丹鉛門前車馬紅塵滿不到梅花綫
帳邊

迎春日陳汝大招集山堂

車馬紛紛踏軟塵閒身逐隊看頒春門前鮑老

新年戲郭外勾芒太歲神容容尊顯傾北海兒
童簫鼓沸西鄰當筵願祝君強健長對東風作
主人

同幼孺惟和由瓊河泛舟至義溪過幼孺
水明樓

淡烟疎雨和蘭橈一水盈盈百里遙五虎雲深
迷疊嶂白龍江淺待回潮末南山色摩天盡峽
北風濤赴海驕雪不捨竹籬雞犬見知君家在綠
榕橋

宿水明樓贈二孺

四年三度宿溪樓。兩值春明一值秋。
嵐翠依然常戶見。水聲無恙抱門流。
舊題彷彿皆成夢。往事淒涼總繫愁。
如此交情終不替。相過直到雪盈頭。

送林道魯就婚入楚

合歡車子遠迎郎。二月天桃滿路芳。
佩解一雙臨漢渚。夢遊十二過高唐。
裙拖湘水應生色。玉種藍田更有香。
良夜笙簧吹楚調。新人初學內

家狀

金山持心上人以造塔募緣入闕喜而有

贈

古塔灰殘幾百年重興隨處更隨緣千花影裏
藏多寶半偈聲中乞一錢風鐸遠催歸寺杳夜
燈高照過江船鎮山自有阿王在不用空譚佛
印禪

送朝宗上人歸金山寺

白足從師遍十方少年行徑小支郎布金寶地

來空界浮玉青山認故鄉歸喚夜船江萬里閒
眠秋寺水中央相期第一泉流上共看阿王舍
利光

送蘇令公擢南計曹

欲趨蘭省別花封西望金陵驛路重製錦昔推
賢邑令含香今屬少司農官清但飲秦淮水更
散閒看建業峰退食從容歸粉署看蒲天明月六
朝鐘

送張宗道游秣陵

少年爲客狎天涯歲歲花時說別離
山窗雲霞
三○里夢樓臺烟雨六朝詩綠楊渡口留歡曲
紅
杏林邊賣酒旗日斷王孫南去遠莫因芳草滯
歸期

送僧還金山

千里經行不憚勞隨師歸去涉洪濤
海門一塔
雄標雁天塹孤峰遠冠蓋帶雨鐘催江樹晚
逆
風帆觸浪花高舊房遙望知何處隱隱空中放
玉毫

得陳女翔惠州書并新詩見寄

開緘字字說傷離嶺外烟塵紙上知道訪軒轅
唐廢觀詩題蘇軾宋荒祠客衣乍暖裁蕉布旅
食先秋進荔枝支不識漂零雙短髻海風吹斷幾
莖絲

偶作

獨對高齋萬卷書此身常與古人俱韋編竹簡
堆連屋蠹粉芸香落蒲櫺日午窓間供枕藉夜
添燈下任伊吾山妻往往從傍笑問我饑來救

得無

送惟秦遊端州應田參戎之招

粵東徂峒夾蒼嵐處處殊音聽未諳春半禦炎
裁細葛秋高驅瘴熱香柵獨眠不耐鄉心苦入
饌真知海味甘身在蠻荒君莫畏故人元是馬
征南

上楊大參叔向先生

湖上曾乘賀監船主恩寧許老林泉斗垣氣色
占薇省金匱文章重木天門客官客縫掖士部

民兼領幔亭仙侯已自愧疎奇字習度從今問
太玄

幾朝金馬賜黃麻楊氏三公本一家銀管醉揮
蕭寺葉銅鞮閒聽習池花南平影合雙龍劍北
苑香分小鳳茶案牘不留門似水白雲飛散更
歸衙

夏日園居

屋後芭蕉綠漸齊清涼遙蔭種花畦蟻因穴潰
移居亂蛛爲簷陰結網低讀史靜翻周汲冢學

書顏洗宋端溪南窓一枕遠然覺又見斜陽下
竹西

三逕逶迤護短籬小園佳在晚涼時亂彈送日
依穠葉倦鳥迎風立斷枝茶鼎烹泉開白綃筆
牀遊墨界烏絲紅塵不到蓬門裏總爲心閒事
事宜

謝友可大行見訪時余將楚游

驟驛千騎問林臯踏破青霞十丈高使者初懸
新錦綬故人還櫬櫓綈袍竹枝聽聽吳兒曲蘭

誰傳楚客騷他日相思天萬里
蘄雲湘水夢魂勞

送大中丞金公解官還武林

秦書三上乞還鄉
懸腕腰間舊皂囊
家望虎林花底月
夢辭烏府栢中霜
譚詩重結孤山社
載酒新開綠野堂
閩海他年思惠政
春風春雨長甘棠

不乘臺畔五花驄
歸去青山問桂叢
湖北荷花眠夜月
江南蓴菜感秋風
輕裘開府思羊祜
絳

帳諸生望馬融只恐渭濱難久卧
主恩天上
夢非熊

哭陳汝大先生

問字追隨十載情風流爭識孟公名
臨終遺札
題猶濕番羌殘篇刻乍成
白社共傷虛祭酒青
袍何用愧儒生
感知不盡羊曇淚
每過西州哭
幾聲

冉冉浮生六十過
丹砂無驗竟如何
正隣白首
松雲卧
忍聽黃泉薤露歌
詞客有靈歆俎豆酒

爐雖在邈山河西風正抱鵠原痛況值傷君淚
更多

先兄亡後振狂以詩見情次答

夢絕池塘不忍言
誰將遺草對君論
千行血淚枯雙眼
一片吟魂落九原
暮雨暗蟲啼竹屋
西風寒雀繞柴門
從今骨肉凋殘後
猶幸同心舊友存

○送魯公識還朝鮮萬曆甲午倭奴破朝鮮
公識起兵勤王全家死之孤身見執至

日本會年首應得亡人附商船至閩守

臣送歸本國公識能詩善書仕六品官

風掃舟師百萬兵轉憑商舶托殘生心恢箕子
封時國身陷倭奴破後城天盡路歸蠻徼遠月
高帆掛鴨江平疊臣九死于戈地不似當年李
少卿

平壤城空戰血枯艱危臨敵效捐軀包胥誓在
終存楚李廣亡歸竟破胡絕島風波過對馬隔
江烟火辨玄菟帛書好寄高麗蘭莫遣遼陽隻

雁無

送李豹玄孝廉還京口

天涯旅食度秋光。一夕西風憶故鄉。來作馬融
門下客。歸慙陸賈橐中裝。汀洲過雁蘆花月。嶺
路啼猿柵葉霜。他日期君江上寺。竹爐松火試
旗槍。

送鄭邦衡之楚

萬里看山問楚鄉。孤帆吹浪渡三湘。涼生水國
蒹葭月。秋老寒林橘柚霜。入饌有魚臨鄂渚。寄

書無雁到衡陽風流自昔同交甫遊女雙雙解
夜光

贈羅將軍

幕下論兵事穰苴雄心寧肯入苞蘊含沙屢見
來尋影盈篋還看有謗書北塞榆烽名將路東
陵瓜地故侯居他年佩取黃金印誰敢緇袍衣
范曄

自洪江泛舟至劍津途中作

西風吹雪欲殘年買得清流一葉船賣酒人家

春風
九
楓樹杪捕魚村舍葦花邊短籬隔水麗空映淺
渚連沙鷺獨眠孤掩蓬窓殘夢覺滿山桑柘夕
陽天

登凌虛閣謁李先鋒廟

高閣凌虛磴道迴唐家招討廟門開前朝遺禍
眠青草過客題名翳綠苔百雉女牆雄郡郭雙
龍神劍泣風雷千秋香火英魂在夜半猶聞殺
氣來

冬夜楊大叅公招集劍州公署卽席有賦

因呈李之文先生

公門元是子雲居。文酒邀驪禮法疎。
偶爲御車能識李，每因下榻愧稱徐。
梅山雪霽鐘鳴後，薇省風高漏轉初。
座上引杯看古劍，龍光雙射斗牛墟。

冬夜宿普通寺作

不嫌羈旅借雲堂，襆被携來宿上方。
閒煮澗澗供茗碗，自燒沈水續爐香。
栢高歲久枝消綠，桐老秋深葉盡黃。
寒夜獨吟詩思苦，每隨霜月步

僧廊

贈沙縣吳令君

新綰銀章墨綬低鳳鸞那久棘叢棲戴星夜應
郎官有問俗時過太史溪暮雨桑麻郊野外春
風桃李縣門西日長靜聽琴聲響無愧風流宓
不齊

寓沙陽興國寺

臘殘爲客古沙村寄宿仍依孤獨園一塔隔雲
標嶺路兩峰流翠入山門齋鐘夜急霜前韻簷

溜晴添雪後痕最是旅人愁絕處佛燈無焰近
黃昏

謁宋陳忠肅公祠

北鱗英氣滿乾坤過客褰衣拜里門千載聲名
傳疏草歷朝香火奠芳蓀宋家夜雨荒陵滅閩
海高風古廟存惟有七峰峰頂月年年流影照
忠魂

客中寄小姬

寂寂空蘭閣若遠思孤燈殘夜待歸期情人客裏

歌桃葉遊子愁中夢柳枝向牖薄帷明月墜下
脂裙帶北風吹滿樓春色雪紅雨遲我閒窗畫
翠眉

吳令尹招同楊廣文丘孝廉重遊洞天巖
水雲深處絕纖埃翠壁丹崖面面開勝日何妨
長宴安坐名山元不厭重來一天明月催檀板九
曲寒流送羽杯仙吏停驂遊歷慣蒲林無復鳥
驚猜

興國寺檢編幔亭集撫卷淒然感而有作

客堂寒夜檢遺篇名在人間骨在泉半世窮愁
緣著述千秋詞翰合流傳夢中未絕生花筆篋
裏誰分殺竹錢桃盡孤燈揮淚眼一番吟咏一
潸然

劍州述懷獻楊參藩

已分焦桐絕紀賞音響餘安可饒黃金窮途作客
甘留滯當路憐力愧陸沉野性自知更事淺貧
身惟恐受恩深一從品第經平子千載難忘國
士心

己亥除夕是年有伯兄之喪

光陰如水急相催 一棹飛從劍浦回
臘火燦殘當戶竹 雪花開盡小園梅
蓬門不忍更春帖 椒酒空將滴夜臺
骨肉綠枝零落後 影形相吊獨興哀

庚子元旦

深閨蓬門絕送迎 期喪應廢管絃聲
春王卜歲看三白 甲子推年見四庚
哀樂幾迴思往迹 光陰依舊促浮生
著書博得窮愁甚 未必千秋不

朽名

送莊姪之粵訪張叔豐兼寄汝翔

陟岵歌殘淚暗揮孤身千里可誰依
裝輕作客艱危甚路遠懷鄉信息稀
暮雨獨驅羸馬過夕陽愁見野鳥飛
故人著論同劉峻莫令西華著葛衣

送陳伯孺之古田應劉令君聘修縣志

巖邑荒涼傍翠微從來良乘品題稀
重孤片語榮華袞王吉高名動布衣
百里青山行處望千

秋彤管醉中揮史才元已如陳壽慎莫輕收斛
米歸

宿林子真道山別業

柴門孤掩傍崖稜六六奇峰翠色凝峭壁夾承
橋欲斷亂籐高護石將崩風吹竹院傳齋鼓雨
霽苔龕暗夜燈獨向寒窓眠半榻夢魂長在白
雲層

道山別業曉起

聞聽鐘魚出下方礪烟林靄曉蒼蒼窠中窰淺

蜂兒鬧梁上泥新燕子忙滿地濕陰松影碧一
籬晴色菜花黃結廬正在雲深處山靜人稀日
自長

送了義上人募緣歸補陀

大士壇場寶界深劫遭雷火燼雙林經行每卓
遊方錫勸化重求布地金破浪風帆占海色到
山烟磬認潮音回頭悟得無邊岸應證圓通不
礙心

過荆嶼訪族兄文統逸人隱居

蹤跡經年懶入城。蒲村麻苧綠陰晴。蝶尋野菜飛無力。蠶飽桑桑矚有聲。半榻暮雲推枕卧。一犁春雨挾書耕。清高學得南州隱。不忝吾宗孺子名。

暮春晦日遊白鶴巖

平臯春盡草如烟。選得名山結勝緣。竹引紅泉經十里。樹懸蒼壁出諸天。踟躕野鶴歸何日。寂定神僧化幾年。滿路流鶯啼未歇。淹留吟卧夕陽邊。

劍上逢歌姬吳英英感而有贈

花落花開閉綺房，誤將心託孽。慙郎獨負春
勞，春夢驚殘鏡香。雲罷曉妝一顧，更能迷下蔡三
年。寧肯脂東牆，低聲訴出琵琶怨。淚濕青衫暗
斷腸。

幽會誰知此夕休，良夜照他樓羅衾一綰。
凝紅淚錦字千行，賦白頭在。托花箋傳密意，空
催檀板按離愁。人間不少鴛鴦侶，莫把芳年付
水流。

贈魏建陽令公

茂宰承恩領邑初
訟庭偏近魏王居
四郊棠樹青常蔽
一縣桃花錦不如
吏散展書廳
亥永官閒修祀薦
乾魚信陵公子門
多客敢望侯生左
席虛

賦得瀟湘春雁送僧歸衡岳

聯翩刷羽渡三湘
草破青天字一行
斑竹浦深鳴夜雨
黃蘆洲冷晒斜陽
群鷺弋容霜
高下夢醒漁郎笛
短長南岳有峰迴
不得爲師銜果獻

空王

同諸友遊靈峰寺

一路溪流漾淺沙重重空翠寺門遮慈雲
前朝樹法雨晴吹上界花客惜苔痕停杖屨僧
牽藤蔓晒袈裟爲貪竹院清涼甚共了殘棋到
日斜

修建志答田公雨丈見示

隨君握麈復和鈴班固摘文步史遷百里流風
徵故老四朝名德表先賢
靈光獨夜吹燈火竹

榻終朝藉簡編自笑年來才已盡不堪重西安筆
如椽

建陽卽事

渺渺滄洲水接烟廢興今古歎桑田秋風梧樹
先儒宅暮雨梨花處士阡市市競高沽酒價村
村都否賣書錢西山雲谷依然在追憶遺蹤五
百年

建溪驛送羅德可之北雍兼訪婦翁謝大

司寇

逢君孤驛際，衰柳暑雨炎。風別路長南浦，傷心
愁草碧上林。隨伴踏槐黃，驚人重和宣城句。坦
腹還登逸少牀，醉後行歌燕市裏。東華門外月
如霜。

贈丘思舉

日日長齋繡佛前，早將生計付林泉。梁鴻久已
偕妻隱，無忌從來似舅賢。鶴屐夜穿孤嶂月，一
竿秋釣古潭烟。江爲死去千餘載，直繼詩名海
內傳。

宿清修寺同魏君屏賦

祇園隨處寄行蹤
寂寂長廊屢舊松
棲鳥有歸殘照落
亂蟬吟破翠烟濃
溪通栢浦廻環水
門瞰樵川遠近峰
獨卧僧寮孤夢杳
五更涼月一聲鐘

題幔亭吏隱贈鄧晦父少尹

爲徇微祿尉潭陽
嶺表騎來五色羊
藥採幔亭瑤草碧
花看幙府玉蓮香
臨池日接龍鳧客
賸
政時開射鵬堂
共道仙都堪吏隱
不輸梅福在

南昌

寄小姬

他鄉見月五回圓
匣鏡俄驚上碧天
暮雨賦成春似夢
小星歌罷夜如年
玳瑁有約愁難解
角枕無聊怯獨眠
莫恨蕭郎遊太遠
宜男曾囑帶胸前

出潭城宿別李君弼李湛川李汝濟三明
府范思道郡丞劉羽鳳王汝孚二學博
傅君聘太守朱惟賢兵馬朱惟式參軍

歸心迢遞憶鄉關，謀野初成筆硯閒。
江上木蘭人獨去，驛邊楊柳客爭攀。
秋高錦水雲千里，夜靜蘆花月一彎。
詩酒襟期思九老，桑榆扶杖咏香山。

聞黃白仲計哭之

昔年聯騎醉西湖，別後方驚歲月徂。
摩詰病中空佞佛，邵攸身後絕遺孤。
名存霄壤傳詩草，路邈河山痛酒壚。
十載交情殘墨在，燈前披檢淚如珠。

伶姬蘇湘雲善作男劇陳伯孺有詩贈之

戲和一首

瓊瑜香煖巧周迴強變歌喉滿座猜傳粉却同
何駙馬僞妝還似祝英臺
簪藏玉釧雙雙響步
匿金蓮朵朵開爭說延年容類姊西風堪動漢
宮衣

寄贈蒙泉宗侯

午夜青藜映卯金紫驪嘶出百花陰子侯腰佩
珊瑚玦上客頭分玳瑁簪微雪酣歌梁苑賦白

雲招隱小山吟少年才藻輕曹植不數黃初正
如音

送游元封客益藩

馬首東行海日昏短裾何處曳王門探書秘枕
窺鴻寶授簡當筵咏兎園帝子閣前迴客夢麻
姑壇下吊仙魂風流宋玉文如錦芳樹扶桑賦
大言

寄張鵬父

越玉臺下別君時鴻雁無情繫遠思朗月清風

虛夜夢西風黃葉飛感秋期一竿獨下玄真釣三
影爭傳子野詞聞說麻姑壇石古半緘能寄魯
公碑

寄謝修之明府

未老懸車隱故山構成高閣翠微間書籤藥果
尋常理茗碗香爐盡日閒花徑逶迤僧至掃草
門岑寂鶴來關池塘夢醒吟春草坐看浮雲自
往還

九日邀余宗漢謝修之謝伯元黃堯元衡杜

秋生集高賢祠

西風吹葉冷颼颼正是黃花九月秋
有代高賢瞻嚮像一時詞各集名流
鰲峰縹緲紗晴雲掩雉堞參差落
照收座有歸來彭澤宰白衣應愧酒
交游

送蕭士威廣文典試還楚便道上春官

衡文遙自楚天來又送風帆漢水回
多士一時歸馬帳九方千里識龍媒
荆南路險秋陰薄蘄水沙平露色開
莫道陽春人寡和看君元是郢都才

中

冬日同伯孺集張德南北部園亭看洛陽

花

雲霞知矣謝冥鴻自號三洲老釣翁良夜酒傾
藍尾綠先春花看洛陽紅霜毫入聖稱張旭雪
髯如絲數鄭公四壁圖書留客玩不須投轄井
欄中

曹能始臨哭先兄殯宮感而賦答

連枝中道痛先徂路隔天閨不可呼一掬淚痕

霜宿草九泉魂氣鑒生芻殯宮霜露哀依歛荒
隧春秋感螽蛄應識山公高友誼敢將身後托
遺孤

寄王百谷先生

數年離恨春難裁相憶全憑夢去來鴻雁幾迴
飛越嶠鹿麋千里隔蘇臺逃禪摩詰常多病垂
老江淹未盡水明歲長洲尋舊苑東風齊看百
花開

藤山看梅

戴將竹葉蒲青尊先到藤山第一村
古樹苔深新樹淺南枝香薄北枝繁
橫斜松際霜侵骨冷落墻陰月斷魂
十里寒芳餐不飽相携隨意卧雲根

庚子除夕

浮生如夢太支離
愁病相侵歲月移
篋裏哀文書日
貧廢讀堂前
先像遠難追
欲占幽齋
歉求新曆爲
補精神
祭舊詩
一自雁行中
斷後不聞佳句咏
春池

龍溪集卷之十四終